



Tuzla.25.09.2018. godine

MEDIJIMA

U okviru obilježavanja „Dječije nedjelje“, koja se tradicionalno obilježava prve sedmice u mjesecu oktobru, Ministarstvo za rad, socijalnu politiku i povratak TK, u saradnji sa ustanovama i organizacijama koje se bave unapređenjem ukupne društvene brige o djeci, uradilo je Program obilježavanja „Dječije nedjelje“ na području Tuzlanskog kantona u 2018. godini, koji Vam prosljeđujemo u prilogu kako bi ste propratili programske aktivnosti i na taj način doprinijeli unapređenju ukupne društvene brige o djeci.

Obilježavanje „Dječije nedjelje“ ima za cilj unapređenje društvene brige o djeci, ali i podsticanje privrednih društava, poslodavaca i drugih pravnih i fizičkih lica na obaveze uplate sredstava u toku mjeseca oktobra u skladu sa članom 95. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH (šire u prilogu).

S poštovanjem.

Dostavljeno:

1 X Naslovu
1 x Evidencija
1 x Arhiva

MINISTRICA

Sandra Memić

Zakonske obaveze privrednih društava, poslodavaca i drugih pravnih i fizičkih lica vezano za „Dječiju nedjelju“

U skladu sa članom 95. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH, Vlada Federacije BiH usvojila je Odluku o utvrđivanju novčanih iznosa koji će se naplaćivati u toku mjeseca oktobra 2018. godine na teritoriji Federacije Bosne i Hercegovine za „Dječiju nedjelju“ (Službene novine Federacije BiH broj 52/18).

Ovom odlukom utvrđuju se novčani iznosi koji će se naplaćivati tokom mjeseca oktobra u 2018. godini na teritoriji Federacije Bosne i Hercegovine za "Dječiju nedjelju" i to:

1. 1% na prodanu voznu kartu u međumjesnom i međunarodnom željezničkom, brodskom, avionskom i autobuskom saobraćaju;
2. 1% na poštanske pošiljke u unutrašnjem saobraćaju, izuzev na pošiljke novina i časopisa;
3. 1% na prodanu ulaznicu za pozorište, kino, druge kulturne manifestacije i sportske priredbe za koje se naplaćuju ulaznice;
4. 1% na prodani nosač slike i zvuka (CD, DVD i slično).

Privredna društva, poslodavci i druga pravna i fizička lica koja vrše uplatu na području kantona dužna su uplatiti iznos na poseban račun za proračun kantona u roku od 15 dana po isteku mjeseca oktobra.

U cilju efikasnog provođenja zakonom propisanih obaveza uplate sredstava na ime „Dječije nedjelje“, Ministarstvo je dostavilo zahtjeve za podršku Ministarstvu finansija, kantonalnoj upravi za inspekcijske poslove i Ministarstvu trgovine, turizma i saobraćaja.

Molimo i medije da daju svoj doprinos kako bi obveznike podsjetili na njihove zakonske obaveze i tako doprinijeli unapređenju uslova za zaštitu djece i poboljšanju ukupne društvene brige.

Ministarstvo, u skladu sa posebnim Programom i kriterijima, uplaćena sredstva sa pozicije „Dječija nedjelja“ raspoređuje organizacijama i organizatorima manifestacija i akcija posvećenih djeci i unapređenju ukupne društvene brige o djeci.